

DISSERTATIO  
ANATOMICO-CHIRURGICA  
DE PRÆSTANTIA LIGATURÆ  
AD COMPESCENDAM HÆMORRHAGIAM,  
VULNERATIS MAJORIBUS ARTUUM VASIS;


QUAM, DEO JUVANTE, & Præsidi M. JOANNE-BAPTISTA-  
GUILLELMO FERRAND, Facultatis Artium & Chirurgiæ  
Magistro, Antiquo Collegii Præsecto, Regio Scholarum Professore, Regio  
librorum Censore, Primario magni Nosocomii Parisiensis Chirurgo  
designato, Regiæ Chirurgiæ Academiæ Consiliario, Antiquo Anatomes  
& Chirurgiæ in Scholâ Practicâ Professore, Imperialis Academiæ  
Florentinæ Socio extraneo, Regiæ Scientiarum, Humaniorum Littera-  
rum & Artium Academiæ Rothomagensis Socio, tueri conabitur  
PHILIBERTUS L'HERITIER, è loco Ceton, prope Novigentum-  
Rotrudi, præclaræ Artium Facultatis in almâ Universitate Parisiensi  
Magister, Magni Nosocomii Parisiensis Chirurgus nuper internus, & Ana-  
tomes in Scholâ Practicâ Professor, necnon Regii Scholarum Hospitii  
Alumnus primarius, Dissertationis Auctor,

P A R I S I I S,

IN REGIIS CHIRURGORUM SCHOLIS:

*Die Veneris vigesimâ octavâ mensis Julii, Anno Salutis 1780, à sesqui-secundâ  
post meridiem, ad septimam.*

PRO ACTU PUBLICO  
ET MAGISTERII LAUREA.



Typis MICHAELIS LAMBERT, Regii Chirurgiæ Collegii  
necnon Academiæ Typographi, viâ Cithareâ.

---


---

M. DCC. LXXX.




OPTIMO  
DILECTISSIMOQUE PARENTI  
*PHILIBERTO L'HÉRITIER,*  
CHIRURGO,  
OFFERT, CONSECRAT, DICAT, VOVET  
*OBSEQUENTISSIMUS FILIUS*  
*PHILIBERTUS L'HÉRITIER,*  
*CHIRURGUS PARISIENSIS.*





DISSERTATIO  
*ANATOMICO-CHIRURGICA*  
DE PRÆSTANTIA LIGATURÆ  
*AD COMPESCENDAM HÆMORRHAGIAM,*  
VULNERATIS MAJORIBUS ARTUUM VASIS.



§. I.

**A** CONCINNO ac irrequieto sanguinis, universæ machinæ alimentum, calorem ac robur suppeditantis, motu, sanitas & vita.

A necessitate vitalis illius liquoris conjicere licet, quanto horrore perculsa ingemiscat Natura, cū optatâ viâ defraudatus erumpit, cū pretiosissimi vitæ thesauri exhaurirentur, nisi fugiens vita beneficis vinculis retineretur, potentique auxilio sanguinis effluxus supprimeretur: hinc orificio tubi discissi applicatio digiti, primus industriæ à Naturâ insitæ fœtus; sed nec semper possibilis, nec sat potens: hinc varia, & multiplici ex fonte deprompta ad sedandas hæmorrhagias remedia, scilicet ferrum



candens, corrosiva, adstringentia, compressiones, ligaturas, &c. sagax Chirurgorum ingenium invenit, excogitavit.

Ut sanguis sistatur, vulneratis artuum arteriarum truncis, vel institutâ anevrysmatis operatione, vel celebratâ artuum amputatione, compressio & ligatura ab optimâ notâ Practicis, solæ, nunc usurpantur (1).

Duobus in primis casibus, compressio immediata feliciorē promittendo exitum, quibusdam ligaturâ tutior visa fuit: sed vanâ spe delusi, servari hâc arte cavum vasis falsè arbitrabantur; quod rationi & nostris observationibus repugnat, quibus invictè demonstratur, æquè compressione ac ligaturâ cavum arteriæ deleri.

Ad suppressendam hæmorrhagiam, post amputatos artus, ligatura compressionē prævalet. In primâ suâ origine felicissima, nullis stipata fuisset periculis, si quæ sapienter *Paræus* præceperat, fuissent servata (2).

Ligatura non est semper possibilis: 1°. cū arteriæ ossificantur (3); 2°. cū in canali osseo includuntur (4); 3°. cū vasis discissi extremum ita reconditur sub vicinis partibus, ut neque apprehendi, neque extrahi, neque detegi, neque in ansâ fili comprehendere queat. In his casibus, ad compressionem confugiatur, necessum est.

Compressionis ac ligaturæ effectus, tum relativè ad vasa, tum ad partes vicinas, ritè, quoad fieri poterit, in hoc Programmate, pro ingenii modulo, perpendere conabimur, postquam nonnulla quædam de arteriâ & sanguine paucis in antecessum delibaverimus.

(1) Ab omni ævo, ad cohibendam hæmorrhagiam, millena fuere proposita remedia; sed pleraque, nec Naturæ, nec Chirurgiæ votis consona: quædam, compressionis ope, proficua fuere; tale est in quibusdam Nosocomiis adhibitum remedium, ut in Diario Medico mensis Februarii proximè elapsi, videre licet.

(2) Egregius *M. Louis* consideratè illud adnotavit, atque hæc quidem ille: » Sa doctrine » ( *de Paré* ) ne s'est altérée que dans ces derniers temps, & il ne doit pas être chargé » du mal qu'on a fait en ne suivant pas exactement les règles qu'il avoit données avec » autant de discernement que de précautions «.

*Mém. de l'Ac. de Chirurgie*, T. II, pag. 395.

(3) Hic casus à celeberr. *Petit* observatus fuit post cruris excisionem.

*V. Op. posth.*, T. III, p. 187.

(4) Quod pariter illustriss. *Petit* observavit, & quod, post cruris excisionem, in Regiâ Invalidorum Militum Domo, anno 1758, vidit hujusce Actûs Præses.



Arteria tubus est flexilis, elasticus, pulsans, fibrarum quasi annularium (1) sensim decreſcentium ſerie efformatus, ſanguinem à corde, centro motus, ad omnes corporis partes vehens.

Triplici præcipuè corporatur tunicâ, primâ, ſecundâ & tertiâ, quibus accedit altera, pro variis regionibus, varia.

Arteria vi elastiâ ac contractili (2) donatur.

Sanguis, vitalis ſuccus, humor est plûs minûsve coccineus, fulgens, qui in vâſis homogeneus, extra vaſa, à diverſi generis moleculis coaleſcere videtur.

Hujus principia, tum phyſica, tum chymica, vivâ voce enucleabimus.

Purpurei laticis ad vitæ conſervationem neceſſarii, vel aucta, vel minuta quantitas, mutata, depravata, contra Naturæ leges, craſis aut conſiſtentia, millenis anſam præbet morbis. Vulnerata vaſa majora, graves ac ſæpè lethales produciunt hæmorrhagias; frigidam depletorum vaſorum quietem celeri paſſu pallida mors ſæpè ſequeretur, niſi miſeris vulneratorum rebus, ſanctæ Humanitatis filia, Chirurgia ſuccurreret.

## §. I I.

### DE COMPRESSIONE.

COMPRESSIO faciliùs intelligitur, quàm verbis accuratè poteſt exprimi. Corpus comprimens, vel ipſiuſmet vaſis diſciſſi orificio, vel partibus ambientibus, vel tandem partibus trunco vaſis ſupra vulnus correfpondentibus applicatum, ſive patulum vaſis orificium obturando, ſive hujus parietes ad centrum adducendo, ſanguinem ſupprimat.

Dux ſunt igitur compreſſionis ſpecies: immediata ſcilicet, & mediata. Prima, vel perpendiculariter fit in os vaſis, vel à latere tubi immediatè applicatur; ſecunda, à latere tubi ſolùm admovetur.

(1) » Interior luminique propior pars arteriæ, fibras in univerſum circulares habet; » ut ſemper memor ſis, nullam uſque ſibram circulum integrum perficere, ſed multas, » extremis ad latus detortis conjunctas, videri unum annulum exprimere ». *Haller, primæ Lineæ Phyſ.*, pag. 14.

(2) » ... Bis ligata arteria tamen inter vincula ſe evacuat, quod quidem à cordis » efficaciâ fieri non poteſt, atque adeò fabricæ arterioſæ debet acceptum referri. » Aortâ ligatâ, ſanguis tamen ex arteriâ exit, inanemque relinquit, & in venas » tranſit; quod videtur contractioni arterioſæ tribuendum eſſe, cum etiam corde deſepto, » ſuccedat, &c. &c. ». *Haller, Elem. Phyſ.*, T. I. pag. 72.



Compressionis immediatæ effectus eò loci tantummodò perpendemus.

Cùm in duobus primis casibus vas detectum fuerit, orificio patulo, frustulum agarici immediatè applicatur, cui alterum priore & tertium secundo majus, & splenia pyramidalia superficie vulneris eminentiora, linamenta carpta, &c. succedunt, quæ super impositis aliis spleniis, arctè fasciis constringuntur, ne, si fortè vel minimo motu dimoveretur deligationis apparatus, hæmorrhagia recrudesceret.

Post excisionem membri, applicato fungo agarico, superpositis minoribus spleniis, ac linamentis carptis, splenium quadratum membrum diametro æquans, alterum cruciatim dispositum, tria alia longitudinalia (1), vulnus tegunt, quæ omnia deligatione retinentur ac firmantur.

Incausum adhibitis, post amputatum femur prope pelvim, ligaturâ ac causticis ad sistendam hæmorrhagiam, machinam excogitavit, ac post triginta dies adhibuit egregius *Petit*, quâ non solum arteriæ truncus mediatè, sed & etiam patulum trunci discissi orificium, perpendiculariter compressa fuere. Hâc arte, ab orci faucibus Marchionem *de Rothelin* celeberr. Chirurgus eripuit.

Si, ipsomet amputationis prope pelvim celebratæ instanti, hæc machina fuisset adhibita, cùm eò loci tam numerosæ observentur arteriæ circumflexæ, quæ ligato trunco comprimendæ sunt, vel ligandæ, non unicum instrumentum comprimens fuisset satis; multiplicandæ fuissent compressiones, quæ irritationi, inflammationi earumque consecutariis ansam præbuisent. In casu allato, triginta diebus elapsis, solus arteriæ truncus, sanguinem fundens, erat comprimendus; partium sensus, suppuratione, medicamentorum & aeris contactu imminuebatur. In talibus, arteriam incisione detegere ac ligare, licet non satis laudandus *Petit* hanc encheiresin, propter prostratas agroti vires languidi, doloribus fracti, ac severiori diætâ necnon longâ suppuratione debilitati, non instituerit, longè fatius nobis videtur. Si attendatur ad graves molestias, ad intensos dolores, irritationes pessimas, compressionis sequelas, facilè patebit arteriæ ligaturam eò præstantiorem ac faciliorem, quò arteria paululùm retracta (2), parvâ incisione possit

---

(1) Tertiam aut circularem reprobatur celeberr. *Petit*, quia primus fasciæ orbis eundem effectum producit.

(2) Non uno pollice à vulneris superficie distabat.

■ L'artère avoit été raccourcie de près d'un pouce, soit par la portion qu'en avoit



deregi (1), tutiorem longè semel tantùm adhibitâ allatâ machinâ, ac minùs periculofam palmam præripere.

Compressionis immediatæ effectus, vel relativè ad vasa, vel relativè ad vicinas partes, considerandi veniunt.

Compressione immediatâ, vasis parietes contigui facti connivent, & obturato cavo, sanguinis effluxus sistitur, cujus maxima quantitas tubum tranare non potens, per vasa collateralia sensim dilatari apta, cogitur refluere, dum minima pars ad orificium clausum concrefcens, majorem in dies consistentiam, ac internis arteriæ parietibus adhæfionem acquirendo, thrombum efformat (2), qui erupturo sanguini validam opponit resistantiam. Observationibus constat, paucis horis, majoribus ipsismet arteriis læfis, thrombum induci; sed nec fat concrefcens, nec fat parietibus adhærens, à torrente sanguinis à tergo impulsus, protruderetur, nisi idoneâ compressione adjuvaretur.

Compressionis immediatæ effectus, vasis artuum majoribus vulneratis.

Arteriæ compressæ cavum deleri, ut innuimus, ratio probat. Verùm enim verò 1°. ut compressio exerceatur, operæ pretium est ut arteria, vas molle, flexile, solidâ basi innitatur; 2°. causæ comprimentes, quæ solo pondere opprimerent arteriam, longâ fasciatione, ne fortè dimoveantur, sat strictè retineantur, necessum est. A priori, probata canalis obturatio, observatione nobis à celeberr. M. Moreau communicatâ, demonstratur: Presbyter, cui feliciter cum successu operationem anevrysmatis instituerat, aliquot annis post curationem in magno Nosocomio fato functus est. Arteriæ ligatæ partem non modò deletam, sed ad altitudinem duorum pollicum supra & infra ligaturam (quod incisionis longitudini correspondebat), oblitteratam invenit; quod

---

» retranché la première ligature, soit par celle qu'en avoit brulé le vitriol ». *Petit, Œuv. Posth., T. III, pag. 185.*

(1) Ipsemet faretur celeberr. *Petit*, cujus hæc sunt verba: » Elle n'étoit pas impossible » (la ligature), puisqu'on pouvoit faire une incision pour découvrir l'artère, & la » lier, &c ». *Même page.*

(2) » Compressio vel ligatura, si diù perseverent, non tantum sanguinis excursus » per illam arteriam præpediunt, & morbosam ejusdem liquidi repercussionem inducunt; » sed efficiunt, ut tenaciores quædam cruoris partes, cum minùs ad reflexionem sint » mobiles, agglomerari invicem, paulatimque adhærere incipiant, donec plenior ex » novo affluxu facta moles, consimilium particularum fila referentium in densum, & » fibrosi speciem exhibens corpus, quod polyposum dicimus, coalescat ». *Lancisus, de motu cordis & anevrysmatibus, pag. 275.*



causis comprimentibus, cavum incisionis explentibus, jure ac meritò tribuere nobis visum est. Ut hæc magis elucescant, animalia experimentis subjecimus.

Dectâ femorali canis arteriâ, suppositis duobus filis, ac incisione duas lineas longâ institutâ, apparatus comprimentem applicuimus: primâ deligatione non sine difficultate appositâ, reliquus apparatus longâ fasciâ fuit retentus. Cùm hæmorrhagia, duabus horis elapsis, recrudesceret, alteram deligationem, nec per septem dies renovatam, prospero cum successu instituimus. Vigesimo tertio die, sanato vulnere, & examinatâ arteriâ, mense elapso, arteriam exiliorem, complanatam, vicinis partibus annexam observavimus. Vix sensibus obvium vulnus, nigrescens punctum offerebat: discissâ arteriâ, thrombus cujus longus apex superius fluctuabat, in cavo prope incisionem deleto, ac mediante thrombo obturato, considerandus venit. Thrombus concretus, cineraceus, vulneribus oris adhærebat; inferiùs parietes coadunati, vix vel minimum præbebat thrombum. Tanta erat cavi obturatio, ut tenuissimum stylum, salvo thrombo, immittere prorsus impossibile fuerit.

In altero cane, sed infesto ac audaci, secundum experimentum tentavimus. Propter hæmorrhagiam, arteriam primò ligavimus, vinculo, post sedatos iram & dolorem, soluto, arteria, ut destrueretur ac officio exiret incipiens thrombus, compressa fuit. Paululum reverà sanguinis coagulati, nigricantis, manavit. Eadem ac in præcedenti tentamine, usquè ad quintum diem, deligatio fuit adhibita. Huic secunda successit, & trium hebdomadum intervallo, absolutâ curatione, arteriæ cavum deletum ac thrombo obturatum pariter invenimus.

Objicienti, validâ pressione ad firmandam deligationem in duobus hisce experimentis adhibitâ, oblitteratam arteriam fuisse; observata præstantissimi Anatomix Professoris M. *Default*, quibus constat lenissimâ vel nullâ compressione cavum arteriæ deletum ac grumo sanguineo repletum fuisse, opponemus. Cùm sponte suâ semel suppressus fuisset sanguis, arteriâ canis carotide pertusâ, hæc vidit oculisque perspexit.

Sic censebat celeberr. ac expertis. *Le Dran*, qui mentem suam sic explicat: Si anevryisma verum aut spurium per compressionem sanetur, id fit delendo cavum vasis; unus aut plures rami vicarii suppleant, necessum est,

Auctoritate



Auctoritate ac observatis suprà allatis, arteriam immediatè compressam obturari, ac grumo repleri, ratum & inconcussum nobis videtur (1).

Patulo vasis discissi orificio, secundum axim, vel à latere applicata corpora comprimentia, vas obturant, & premendo, parietes ad se invicem adducunt, columnæ sanguinis optatâ viâ defraudati obicem opponunt; exindè thrombus, qui consistentiâ ac parietibus vasis adhæsione, præcipua est suspensionis sanguinis causa, efformatur.

1°. Partibus sensilibus continuè compressis, oriuntur accidentia: recens incisæ carnes, primis deligationibus nimium pressæ, pessimè irritantur; indè dolor, febris, infarctus, abscessus.

2°. Iisdem causis supra & infra vasis orificium agentibus, vi suâ ac pondere, vasa collateralia, cum aliis vasis infra punctum compressum orientibus communicantia, sanguinem ad partem compressam vehentia, obruuntur ac delentur; sic sanguinis effluxus impeditur, aut saltem imminuitur.

3°. Venis exterioribus, reliquo apparatu etiam compressis, sanguinis ad cor reditus denegatur: venæ vicinæ turgent, ultra modum dilatatæ, sæpè sæpius quâ datâ portâ sanguinem fundunt, & vasis minoribus, in ipsâ operatione sectis per accidens, vel propter obicem, vitalis liquor erumpit: sublatâ enim deligatione, jam sanguis non effluit (2).

Præter allata accidentia, majorem humorum affluxum ad partem affectam, qui ægroti vires prosternt, irritatio, compressionis effectus excitat; eadem musculos repellendo, eorum vim contractilem augendo, in causâ est cur os protuberet.

Cavi arteriæ conservatio, vasis majoribus pertusis, licèt nullâ directâ observatione probata, quidquid in contrarium protulerint ac proferant adhuc Practici commendatissimi, præcipuum erat compressionis commodum.

(1) Si, leni admotâ compressione, arteriæ diameter servaretur, pulsus infra punctum compressum non deficeret; tamen contrarium experientiâ probatur. Celeberr. *Morand*, celebratâ anevrysmatis operatione, per viginti horas, imò per quindecim aut duodeviginti dies defecisse, observavit. Quod & etiam hujusce Actûs Præsidi semel observare contigit.

(2) Doct. *M. Pelletan*, Anatomes & Chirurgiæ Professor, idem & nos pluriès observavimus, & quod clarè ab illustriss. *Monro* demonstratum fuit. *V. Essais d'Edimb.*, T. IV, pag. 415.

Compressionis immediatæ effectus supra vasa, post artus amputatos.

Effectus compressionis immediatæ, relativè ad partes vicinas, vulneratis artuum majoribus vasis, & anevrysmatis operatione institutâ.

Compressionis immediatæ effectus supra partes vicinas, artubus amputatis.

Compressionis immediatæ commoda, artuum vasis majoribus vulneratis.



Prosperis, institutâ compressione, infaustis, ligato vase, eventibus delusi fuisse nobis videntur. Ope compressionis immediatæ sanata fuisse arteriarum vulnera, quis inficias ibit (1)? Faustum exitum, non servato cavo, sed vasorum collateralium superiorum cum inferioribus commercio, tribuendum jure ac meritò censemus (2). Juxta Artis leges compressio facta, licet arteriæ cavum deleatur, prosperè succedet.

Compressionis  
immediatæ incom-  
moda, post vaso-  
rum vulnera.

1°. In quibusdam tantùm casibus compressio convenit.

2°. Si quandoque hâc arte sedata fuerit hæmorrhagia, in aliis casibus etiam successui faventibus, idem artificium prorsùs inutile inventum est. Argumentum à vulnere arteriæ radialis prope carpum desumptum, illud probat (3).

(1) Idem pluriès observavit hujusce Actûs Præses, idem & nos.

(2) Celeberr. M. *Sue* 2<sup>us</sup>, hujusce Collegii Socius, &c., descriptionem femoris, vasorum collateralium, eorumque communionum, dedit. Illa vasa, trunco ligato, posse vitam patri suppetitare, contendit.

V. *Diarium Medicum*, mensium Julii & Augusti, anno 1776.

Plurima experimenta super cadaveribus instituimus, quæ probant vasa collateralia posse trunco supplere.

Primum. Iliacâ externâ, supra arcum femoralem ligatâ, vasa ligaturæ inferiora, à liquore per iliacam primariam propulso, repleta fuerunt.

Secundum. Eadem arteriâ contractâ, aquâ per iliacam protrusâ ex arteriâ femorali discissâ, in altum erupit.

Tertium. Binis femoralibus earum origini vinctis, extremitatum inferiorum vasa, à liquore per infimam aortam propulso, repleta fuere.

Quartum. Arteriâ carotide & humerali, dextris prope earum ortum vinctis, eadem phænomena detegimus.

Celeberr. M. *Chopart*, Anatomix & Chirurgiæ Professor, eadem experimenta tentavit, & eadem observavit. Experimenta observatis confirmantur. Felici cum successu, vasorum trunci præcipui, à celeberr. *Saviard*, ac à doctiss. *Marco-Aurelio Severino*, ligati fuerunt, &c.

Hyeme proximè elapso, cùm in Scholâ Practicâ exercitationes anatomica haberentur, utriusque poplitæ arteriæ, in virili cadavere obeso, ita dilatatæ, absque ullâ rupturâ, repertæ fuerunt, ut tumor anevrysmaticus ovi gallinulæ volumen referret. Supra & infra dilatationem, arteriæ cavum deletum observavimus: quod invictè probat, per vasa collateralia transluentem sanguinem, alimentum & vitam utrique extremitati suppetitasse; quod etiam, si valido opus foret argumento, sententiam illustriſſ. *Halleri*, qui ex professo de communiōe vasorum, in quinto Icon. Anatom. fasciculo, egit, & doctiss. *Heister*, qui eximiam de genuum structurâ dissertationem edidit, confirmaret.

(3) Videſis, in Diario Medico mensis Martii 1769, D. *Methivier* observationem



3°. Sanguinem si susterit, pessimis ferè semper accidentibus, etiam lege Artis sagacissimè instituta compressio stipata fuit. Quæ ad læsionem arteriæ cruralis prope pelvim, à celeberr. Chirurgo fuit adhibita, omni laude major est: attamen, imminente periculo, erumpente sanguine pro tertiâ vice, arteriam ligare voluit; sed applicato novo apparatu, remisso sanguine, cunctando res fuit restituta, & æger, post graves molestias, post acutos dolores, convaluit. Prudentissimis cautelis, ac ingeniosâ compressione, hæmorrhagiæ, ac femoris intumescentiæ prospexit. Plures adhuc in medium proferre observationes possemus.

Quanam producat accidentia compressio post artus amputatos, sedatâ hæmorrhagiâ, jam exposuimus. Ferè determinato thrombi generationis tempore, ut aliquandiu idoneâ compressione, cujus defectu à sanguine à tergo premente grumus everteretur, juvetur necessum fore duximus. Causarum comprimementium pravi in talibus effectus explanati fuère. At, inquit, compressio sit lenis, *non crimen Artis, si quod Professoris est.* His respondemus: 1°. rectius institutâ compressione partes irritari; 2°. secta vasa sub vicinis partibus, suoapte contractili motu retrofiliendo, recondi. Non vulneris superficiei; sed parulo vasis orificio, ad cohibendam hæmorrhagiam, sanè corpora comprimementia sat validè sunt applicanda, ut erupturo sanguini obicem opponant. Huc accedit, quod in hoc casu, quæ à latere vasis, ut hujus parietes conniveant, apponuntur, palmam præripiant (1). Sed quanam arte, vasis sub carnibus retrocessis, hæc compressio fieri queat, quo modo absque periculo? viderint æqui rerum æstimatores. Undè pronum est

Compressionis  
immediatæ incom-  
moda, post ar-  
tuum excisionem.

---

à D. *Martin*, qui de Arte, pro casu practico de quo agitur, optimè meruit, juris publici factam, & observationem à D. *Charnaux*, Sequanorum Salinarum Nosocomii Militaris Chirurgo, quæ in eodem Diario mensis Septembris, anno 1775, legitur.

(1) » Il faut placer en comprimant un peloton de charpie sur le vaisseau, non pas  
» directement sur son embouchure, mais sur le côté le plus éloigné de l'os, afin qu'en  
» le poussant vers l'os, les parois de l'artère s'appliquent l'une contre l'autre, & que  
» pressé, d'un côté par le peloton de charpie, & de l'autre, par la résistance de l'os de  
» la cuisse, le vaisseau prenne la figure de l'ancre d'un hautbois: sur le premier peloton  
» de charpie, on en place un autre plus large, & sur celui-ci un troisième, & même  
» un quatrième, toujours plus larges, & toujours poussés suivant la même direction;  
» ensuite on pose sur ce dernier tampon de charpie, le centre de la pelote que l'on  
» assujettit avec les courroies ». *Petit, Œuv. Posth. T. III, pag. 174 & 175.*



concludere, in allatis tribus casibus, compressiones immediatas è Therapeiâ chirurgicâ expungendas fore, & his ligaturam ad sistendas hæmorrhagias, tutiorem ac longè præstantiorem, esse anteponendam.

## §. III.

## DE LIGATURA.

**D**UÆ sunt ligaturæ species: immediata scilicet & mediata.

Prima fit vas attrahendo cum forcipe (1), & cum ansâ fili plani, fatis crassi, aliùs circumjectâ, tantùm constringitur ut sanguis sistatur.

Secunda, cum acû paululùm incurvâ, filo pariter plano ac crasso præditâ, instituitur, ut præstantiss. *Monro* præscripsit (2).

Ligatura immediata, cum felicissimo successu, ab immortali *Paræo* (3) adhibita fuit, quod probatur ex observationibus ab ipsomet in suâ defensione allatis (4).

Vasa ita facilè ac tutò ligantur (5): nequè secari à ligaturâ, neque ligatura à sanguinis impetu ejici potest, si non firmiter, ut volumus, sit constricta; quia tunc parietum vasorum infarctus, huic ligaturæ succedens, sat validam resistentiam opponit.

Ligatura mediata ferè eadem est ac illa à *Paræo* præscripta, quando immediatè ligato vase, hæmorrhagia recrudescerebat, quia tunc cum forcipe

(1) Illa, quæ cadaverum sectioni inservit, idonea est.

(2) *V. Ess. d'Edimb.*, T. IV, pag. 401, & suivantes.

(3) Primus vasa discissa, post amputatos artus, ligavit.

(4) *V. Oper. edit. Par. 1628*, pag. 1193.

(5) Arteriam femoralem immediatè sic ligavit, nec postea sanguis manavit, post amputatum femur, in parte suâ ferè superiori, die nono Junii proximè elapsi, in Suburbio Sancti Antonii, *M. Ferrand*: aderant *MM. Boscher, Sue 1<sup>us</sup>, Cheverry & Botentuit Langlois 2<sup>us</sup>*.

Die decimo nono ejusdem mensis, post celebratam femoris amputationem in Magno Nosocomio Parisensi, eandem arteriam, nec sanguis effluxit, immediatè adhuc ligavit *M. Ferrand*. Dum ligaturam institueret, arteriam forcipe adductam tenebam.

Post cruris excisionem, tres arterias, quamvis cartilagineas, *D. Faguer*, Nosocomii, dicti *Bicêtre*, Chirurgus præcipuus, adstantibus *MM. Brun & Desault*, facilè tutòque ligavit.

Illustriiss. *Heisterus* talem methodum vasa ligandi præscripsit. *Instit. Chirurg.*, T. I. pag. 484.



vas attrahi non poterat. Hâc institutâ ligaturâ, ne vel minimam sanguinis portiunculam erumpere, sanctè *Paræus* affirmat. Nonne exindè, hanc primam ligaturam haud semper felicem fuisse, verisimile videretur? Attamen mentem suam sic explicat (1): *Si deficeret ligatura, de novo instituenda foret.* Non modò prævidit possibilia, sed etiam, quid pro re natâ competere, genio ductus, præscripsit (2).

Celeberr. *Petit* refert (3) aliquandò vasa adduci non posse, quia forcipi ad orificium vasis aditus denegatur: in talibus, ad ligaturam mediatam, confugiatur.

Vasa quibusdam in casibus longè à vulneris superficie retrocedunt, sed sæpè sæpiùs oculis ac instrumentis subjecta patent. Post amputatum femur, anno proximè elapso, in Magno Nosocomio, tam prominebat arteria, ut, dum instituebatur ligatura, illam digitis apprehenderem.

Ex dictis, quoties vasa attrahi poterunt immediatè (4), quoties non (quod est rarissimum) mediatè, salvis tamen partibus musculosis, tendinosi, aponevroticis, ligamentosis, liganda fore, concludere licet.

In duobus hisce casibus, mediante ligaturâ, vasis parietes coarctati, contigui facti, connivent; undè 1°. cavi obturatio; 2°. parietum infra ligaturam infarctus; 3°. sanguinis suspensio. Non est pertimescendum ut motu partis aut impetu sanguinis ligatura dimoveatur, aut thrombus protrudatur. Seriùs ociùs, respectu habito ad fili crassitiem constrictionisque gradum, ligatura decedit; si non, secatur.

Effectus ligaturæ, vasis non omnino secis.

Solum vas aut paucissimæ partes vicinæ, in ansâ fili, ut jam innuimus, comprehendantur. Exindè nulla, aut minoris momenti accidentia (5).

Effectus ligaturæ, relativè ad partes vicinas.

(1) C. 33, L. XII.

(2) » Aucune des circonstances qui pouvoient se présenter dans la pratique de la » ligature, n'étoit échappée aux lumières & à la pénétration de ce Grand-Homme: » si l'hémorrhagie survenoit, il falloit relia le vaisseau, &c. « *M. Louis, Mém. de l'Ac. de Chirurg., T. II, pag. 396.*

(3) *Œuv. Posth., T. III, pag. 198.*

(4) *Paræus* vasa facillè attrahi contendit. L. XII, C. 32.

(5) Die vigesimo quinto Junii, in Regio Chirurgiæ Hospitio, augustæ pietatis *Ludovici XVI*, Parentis Patriæ, monumento, in Consilium advocatis ac præsentibus Professores Regiis, operatione anevrysmatis spurii consecutus vi, à celeberr. *M. Tenon*, Regio Scholarum Professore, celebratâ, arteria brachialis supra & infra læsionem ligata fuit. Quatuor primis diebus, nulla accidentia, ne vel minima febricula supervenire; ut



Ligaturæ effectus supra vasa, post artus amputatos.

Vasorum ligatorum, parietibus pariter conniventibus, sanguis retentus partim coagulatur; coagulatus concrevit; cineraceum mutans colorem, internis tubi parietibus adhæret (1).

Arteriarum parietes contigui sibi invicem adhærescunt, & pars ligaturæ inferior, vitæ semper particeps, cum vicinis partibus coalescit (2).

in statu naturali, calebat manus: die quinto, paululum tumefactâ manu, pro primâ vice, fasciatio fuit renovata: die sexto, infarctus evanuerat, & facillè tactui obviu pulsus sentiebatur: die undecimo, reliquus deligationis apparatus decidit; omnia faustum exitum ac proximam medelam prænuntiant.

(1) Ligaturâ bis non rectè institutâ, nec suppresso sanguine, thrombum sanguineum non invenimus; sed cum arteria ligata vel compressa fuerit, brevi, vel post longum temporis intervallum, sedatâ hæmorrhagiâ, thrombum semper, cujus figura, dimensiones, color, consistentia, ac internis partibus adhæsiô, erant varia, nobis observare contigit. Partem arteriæ ligatam, valde coarctatam, & partem infra vinculum ferè deletam, parietum arteriæ infarctum, vel nullum, vel parvum, invenimus.

Hæc pariter à M. *Langlet*, Chirurgo Nosocomii Belloyacensis primario, Chirurgiæ Professore, &c., observata, & Academiæ Chirurgiæ communicata fuerunt, & à D. *Lerouge*, Magni Nosocomii Chirurgi interno.

Nonne ex his inferre licet, thrombum ad suspensionem sanguinis plurimum conferre? Nonne *Galenus* (a) ac *Paræi* (b) sententia, à celeberr. *Petit* confirmata (c), inconcussa manebit?

(2) Post brachii extirpationem illustrissimi Franciæ Marescalli *de Biron*, satis ad sistendum sanguinem, sed non plus æquo, arteria fuit constricta. Partes in ansâ filii comprehensæ, incorruptæ, cum vicinis coalescere. Hæc celeberr. *Petit*, *Œuv. Posth.*, T. III, pag. 192.

(a) A sanguinis grumo obturamenti instar arterias occludi, censuit *Galenus*. *Meth. med.*, L. V.

(b) « Et là où le sang ne pourroit être estanché par ces remèdes (le rapprochement des levres de la plaie, & l'application des remèdes glutinans, &c.), alors on ôtera la compresse, & pressera-t-on du doigt sur l'orifice du vaisseau, & y sera tenu jusques à ce qu'il soit fait un thrombus, c'est-à-dire que le sang dedans & autour l'orifice du vaisseau soit caillé, & par ainsi est engardé de sortir » *Œuvres de Paré*, L. IX, C. 7, pag. 329.

(c) V. *Acad. des Scienc.*, année 1731. *Petit*, *Œuv. Posth.*, T. III, pag. 165, & suivantes.  
« Probat verò nostrum de generatione polypi assertum, ipsa experientia quam sæpè in canibus firmavimus: etenim denudatam apud illos unam ex arteriis iliâcis, cerato filo antè constrinximus; deindè curandum vulnus eorundem salivæ relinquentes, post quindecim aut vigintri dies, sectâ per longum arteriâ, expositam polyposam concretionem citra ligamen offendimus; quam quidem concretionem, canalis cavum ita opplevisse, animadvertimus, &c. » *Lancisius*, de motu cordis, & anevrysmatibus, pag. 276.



Vasis majoribus apprimè juxta hanc normam vinctis, salvis scilicet ac liberis partibus musculosis, membranosis, aponevroticis, ligamentosis, tendinosis, neque irritatio, neque suppuratio, neque motus convulsivi superveniunt. Si è contrà firmiter constringantur suprà dictæ partes, pessimè irritantur, ægrumque in imminens vitæ periculum ista ligatura conjicit; undè rejicienda.

Ligaturæ effectus, relativè ad partes vicinas.

Vulneratis artuum majoribus vasis, aut celebratâ anevrysmatis operatione, cùm nil periculi portendat ligatura, cùm nulla hîc requiratur compressio, millena secum importans pericula, satis superque ex dictis demonstrantur ligaturæ commoda.

Ligaturæ commoda, in majorum vasorum extremitatum vulneribus.

Post amputatos artus, vasis nimiam sanguinis copiam eructantibus, ritè ligatis, deligatio sit simplex. Corpora comprimentia, etiam ab Auctoribus probatissimis, ut ligaturæ adminiculo sint, commendata, tanquam inutilia, quin imò noxia, reprobamus. Procul hînc compressio: ex allatis ratio patet. Idem esto judicium de fasciatione comprimente (tum ad axim, tum ad latus vasorum agente). Quò simplicior apparatus, eò præstantior. Hâc arte, nec erunt irritatio, nec sanguinis circulo obstaculum: uno verbo, si servanda serventur, nullis pessimis stipabitur accidentibus.

Ligaturæ commoda, post artus amputatos.

#### §. I V.

##### LIGATURAM INTER ET COMPRESSIONEM COLLATIO.

1°. **D**UOBUS in primis casibus, vase simpliciter discisso, ad compressionem adhibendam requiritur, ut fulcrum adsit, ut inflammata, œdematosa, aut gangrænâ imminente ferè syderata partes non turgescant: ligaturam in talibus in promptu esse, quis inficias ibit?

2°. Neque stabilis, neque tuta, neque sæpissimè fulcri defectu fida, compressio, si quidem à fede, apparatus, vel minimo ægri motu, deturbari potest; indè hæmorrhagia priore pejor. In casibus etiam faultissimis, manca est ac inefficax compressio; è contrà, Naturæ & Artis beneficæ votis consona, prosperè ligatura succedit.

3°. Compressio ligaturâ non prævalet, cùm utrâque vasis areâ occludatur.

4°. Prosperam compressionem accidentia concomitantur. Genuina ligatura per se non est periculosa. Citiùs, hujus ope, ac securiùs curatio



vulneris absolvitur; compressioni ergo palmam ligatura praripit (1).

In tertio casu, amputatione celebratâ, vulneris recentis superficies, propter exquisitissimam partium sensilitatem, ut jam probavimus, impune comprimi non potest. Si ligetur vas, Natura ipsa ab importunâ molestâque compressioni non oppressa, mirabili & abscondito opere medelam placidè molitur. Nullum tunc impedimentum; levis ingurgitatio inflammatoria, suppuratione factâ, evanescet; cicatrix, morbi terminus, Naturâ duce, promovebitur.

(1) Quæ omnia, tum ratione, tum experimentis, in secundo ac tertio paragrapho fuerunt probata.

## FINIS.